

**JAMHURI YA MUUNGANO WA TANZANIA
BUNGE LA TANZANIA**

Tele: +255 0262322761-5
Fax No. +2550262324218
Email: cna@bunge.go.tz



Ofisi ya Bunge,
S.L.P 941,
DODOMA.

TAARIFA KWA VYOMBO VYA HABARI

Spika wa Bunge, Mheshimiwa Job Yustino Ndugai (Mb) amemtumia salamu za Rambirambi Rais wa Zanzibar na Mwenyekiti wa Baraza la Mapinduzi, Mheshimiwa Dkt. Hussein Ali Mwinyi kufuatia kifo cha Makamu wa Kwanza wa Rais wa Serikali ya Mapinduzi ya Zanzibar, Mheshimiwa Maalim Seif Sharrif Hamad kilichotokea katika Hospitali ya Taifa ya Muhimbili Jijini Dar es Salaam leo tarehe 17 Februari, 2021.

“Nimepokea kwa masikitiko taarifa ya kifo cha Mheshimiwa Maalim Seif Sharrif Hamad, na kwa niaba ya Bunge natoa pole kwa familia ya marehemu, Rais wa Zanzibar, Chama cha ACT Wazalendo, Wazanzibari na Watanzania wote,” amesema Mheshimiwa Spika.

“Taifa limempoteza Kiongozi mahiri ambaye alitumia muda wake mwingi katika kuwatumikia wananchi na kwa hakika mchango wake katika kuleta maendeleo, kudumisha amani na umoja wa kitaifa Visiwani Zanzibar utakumbukwa daima,” amesema Mheshimiwa Spika.

Mheshimiwa Spika anaomba Mwenyezi Mungu awape subira, nguvu na faraja familia ya marehemu katika kipindi hiki kigumu.

Imetolewa na: Kitengo cha Mawasiliano na Uhusiano wa Kimataifa,
Ofisi ya Bunge,
DODOMA.

17 Februari, 2021.